

三十三冊

卷之三十八

海東樂府


卷之三十九

異域竹枝詞

林下筆記







林下筆記卷之三十八

海東樂府目錄

箕子樂

青邱風雅

三韓樂

高句麗樂

百濟樂

渤海樂

新羅樂

萬波息笛

東京曲

會蘓曲

黃昌郎舞

宮庭柏

繁花曲

兜率歌

憂息樂

碓樂

鷄述嶺曲

怛怛歌

陽山歌

慶容歌舞

利見臺歌

木州歌

半登山曲

鄉樂

高麗樂

教坊女弟子

絃坊

壽星明

萬年懽

月華清

動動

無尋

五冠山

楊州曲

月精花

伐谷鳥

金剛城

叢石亭歌

居士戀

沙裏花

長巖歌

濟危寶

安東紫青

松山歌

禮成江

冬柏木

寒松亭

鄭瓜亭

風入松

夜深詞

翰林別曲

紫霞曲

窮數奔

西湖曲

延陽歌

迎仙樂

真勺

太平簫

雅樂署

唐鄉樂

昭代樂

鼓吹樂

唐部

鄉部

唐呈才

鄉呈才

勝國樂

養老宴

親耕樂

親蠶樂

大射禮

俗部

雅樂

進豐呈

進宴樂

獻仙桃

壽延長

五羊仙

拋球樂

蓮花臺

夢金尺

受寶籙

覲天庭

受明命

荷皇恩

賀聖明

聖澤

六花隊

曲破

保太平

定大業

鳳來儀

牙拍

響鉦

舞鼓

鶴舞

教坊歌謠

文德曲

朝廷樂

三調

新羅八關會

玉笛

高麗八關會

老人星

昭代散樂

除夕儺

黃菊詞

觀音讚

陶山九曲歌

石潭九曲歌

關西別曲

關東別曲

思美人曲

將進酒

鐵嶺歌

山有花

訓民正音

林下筆記卷之三十八

月城李裕元景春輯

海東樂府

樂自箕聖始迄三千年我朝開國受皇明樂
設二教坊左曰東京右曰成都卽古樂譜所
傳也其樂大同小異合補三韓樂府後世亦
或演而添增其揆一也初叙其始尾繫時樂
以備參看凡百二十一篇

箕子樂

箕子東來人五千八條設教遺風傳大同江曲西京

曲文獻猶餘二樂篇

箕子樂無徵獨傳大同江曲施八條之教民以大
同江比黃河永明嶺比嵩山西京曲民習於禮讓
尊君親上而作此歌

青邱風雅

河水之流潑潑兮曷維其極萬山低日月休光后德
懿教民禮樂風騷稽

民美箕子之德作頌演其辭

三韓樂

仲夏初冬跼地耒農功終始赴期曰鐸聲相和伽倻

瑟百鳥雙雙下舞臺

三韓之俗信鬼神常以五月祭之十月亦如之舞
人應節有猶鐸聲伽耶王作瑟鼓之百鳥飛下

高句麗樂

桃皮膚篳篥鳳笙篳篥暮夜相聲男女謳越調夷賓傀儡
雜隋煬解笑進高句

大業九部樂充高句越調夷賓曲唐李勣破高麗
得而進之

百濟樂

握槊弄珠大袖襦紛紛篳篥笛與箏等智異禪雲無等

閼薛將軍得獻皇都

智異山歌禪雲山曲無等山曲唐將薛仁貴得而
獻之

渤海樂

聚會歲時作樂先滿城士女轉回旋踏鉦歌舞何時
初兼習工人金史傳

渤海俗歲時先命歌舞人前行士女隨之舞踏鉦
金史工人習之

新羅樂

三竹三絃舞二人紅鞋金鈴紫頭巾中秋明月貞觀

歲會射宮庭女樂陳

三竹大琴中琴小琴三絃玄琴伽倻琴琵琶貞觀
中秋獻之

萬波息笛

兵退病痊雨雨晴一吹呈異寶東京小山浮到山生
竹萬萬波波息以名

神文王時小山浮海上有一竿竹命作笛吹則兵
退病愈早雨雨晴風定波平因以名之

東京曲

昇平日久政治淳靈瑞重重感鬼神月精橋畔白雲

渡卑悅其尊君悅臣

月精橋白雲渡皆王宮近地世傳有鳳生歲臣子
之於君父卑少之於尊長婦止於夫通用文字

會蘓曲

會蘓舞續會蘓歌百戲嘉俳集館娥六部分朋紅績
考乙宵謝勝酒如駝

儒理王分六部為二使王女二人各率部內分朋
績麻自七月望至八月望乙夜而罷考其功負者
置酒食以謝勝者謂之嘉俳是時負家一女子起
舞歎曰會蘓會蘓其音哀雅後人因其聲作歌名

曰會蘓曲

兜率歌

賑賙仁化感交隣
携負歸來無遠民
國俗歡康歌此曲
聲聲叶律始通神

儒理王巡行國內存
問賑給隣國百姓聞
而來者衆民俗歡康
作此歌此歌樂之始

憂息樂

二弟質隣勞我思南
蠻迢遞又句麓郊迎
六部悲歡地王乃翻
聲塤和麓

訥祇王弟未斯欣
質於倭卜好質於高
句麓王恩

見二弟及還命六部迎之作欲以宣其志謂之憂
息曲

碓樂

百結先生喜鼓琴空教隣杵惱妻心杵聲演作琴中
譜千載流傳歲暮音

慈悲王時有人衣懸鶉鶻百結先生常以琴自隨
宣其志鄰里菴栗其妻嘆曰人皆有栗我獨無何
以卒歲先生乃鼓琴作杵聲以慰之

鷄述嶺曲

時除訥祗朴使臣奉書日本楚囚身望夫石立山崔

元古廟秋風鷄述神

訥祇王時朴堤上使倭不返其妻上鷄述嶺望倭
哭死仍為鷄述嶺神母

怛怛歌

上春子午亥兼辰百事皆嫌禁令申四日怛怛不敢
動東都流俗誤時人

炤智王時有龍馬鼠豕之怪每年正月上辰上亥
上子上午忌百事目為怛怛

陽山歌

陽山松柏泣忠臣半夜誰知百濟人卽幢步騎今何

在齋唱哀詞野草蓂

太宗王二年郎幢大監金歌運伐百濟於陽山濟
人夜龍歌運格闘而死步騎幢主寶用那亦死之
時人哀之作此歌在東都樂府

處容歌舞

鶴城春日讌羅王感動神龍一炷香處容歌是霜
舞五色殊容處五方

憲康王出游鶴城忽雲霧冥曠日官奏此東海龍
所慶也宜行勝事以解之於是勅有司為龍創佛
寺令出雲開因以名其浦龍喜乃率七子現於駕

前讚德歌舞其一子隨駕入京名曰處容一名霜髯

黃昌即舞

官昌訛誤黃昌即史傳無徵擊鈞塲八歲眇童謀釋憾樽前驚起夫餘王

昌即八歲為王謀釋憾於百濟往濟市舞鈞王召入官令舞因堪殺之後世作假面昌即乃官昌之訛也

官庭柏

相對圍棋老柏陰指教毋忘矢貞心一榮一悴由天

格知是官家雨露深

孝成王在潛邸與金信忠圍棋於柏樹下曰他日
我不忘汝汝亦不改貞操有所負者有如此柏未
幾王即位錄功臣而遺信忠信忠為歌貼於柏樹
樹忽枯王聞之召賜爵柏乃蘇

繁花曲

美人啓齒祇園亭白白紅紅青復青調音悽咽回頭
望玉樹花開唱後庭

景哀王遊鮑石亭令美人奏此曲其詞云祇園實
際芳二寺東識者比玉樹後庭花

利見臺歌

土城幾處閱王都
朝暮分離我不虞
南國大人臺上
會錫名利見世相呼

羅王父子久相失
及得之築斯臺相見
號曰利見
作此歌

木州歌

木州少女孝於親
勤儉農桑晚謝貧
石窟老娘逾撫
愛怡顏和氣順人倫

木州有孝女
父惑後母之讒
逐之女至一山中見
石窟有老嫗愛之
嫁以其子勤儉致富
聞其父母

貧甚邀賓其家供養備至父母猶不悅女作歌以
自怨

半登山曲

方登山語半登傳日縣婆娘刺所天寂寞水厓來救
絕枕根孤卧不成眠

羅末盜賊大起援高敞半登山長日縣之女被掠
作歌以諷其夫不即來救曲名方登山轉為半登
云

鄉樂

金丸舞袖月顛顛縮項高有闌酒仙大面黃藍南

躍狡狴束毒鬼建鞭

東都有金九月顛大面束毒狡狴等戲崔致遠月
顛詩有高項縮髮崔嵬攘臂羣儒闢酒盃大面詩
黃金面色是其人手把珠鞭狡鬼神束毒詩蓬頭
藍面異人間押隊來庭學舞鸞

高麗樂

乾德四年來鎮州彩衣銀臺皇恩優今之樂亦古之
樂中國之音出海陬

宋乾德四年鎮州進伶官習高麗部樂賜衣服銀
帶歸之今之樂卽華之制也

教坊女弟子

楚英歌舞踏沙行宴會燃燈鳳觀明五十五人王母
隊君王萬歲字形成

文宗時教坊奏女弟子真卿等所傳踏沙行歌舞
請用於燃燈會從之又設八開會御神鳳樓觀樂
女弟子楚英奏王母隊歌舞一隊五十五人舞成
四字或君王萬歲或天下太平

絃坊

唐樂纔終鄉樂回品分二部華東開施朱傳粉百嬌
態裝束衣巾上戲臺

唐樂無金石之音分為左右二部左曰唐樂中國
之音也右曰鄉樂其故習也所謂俗樂娼妓之戲
傳粉施朱百媚千態恣淫褻之心消雅正之氣莫
此若也

壽星明

太史觀星八月天老人垂彩喜無眠丹墀朝見奇祥
奏御手題詩被管絃

唐宗十五年壽星見王親題詩使歌之

萬年懽

萬年懽意萬年枝忠甫王宮一妓兒堪笑萬年猶不

足付他金石無窮垂

王嬖妓萬年惟樂有此曲

月華清

金屋樓臺靜月華天開雨洗浩無涯玉壺氣徹絕纖
翳極目蒼蒼白露葭

麗末作其詞曰雨洗天開風將雲去極目都無纖
翳仲秋夜靜月華如水金屋樓臺清氣徹玉壺

動動

柳節制未合浦軍淫風南寇散如雲憧憧人士爭相
頌喜動成歌動輒勒

倭寇順天長生浦合浦萬戶柳濯赴援倭望風潰
軍士悅之作此以美之

無尋

金鈴垂綵帛為粧進退中音拊擊揚元曉葫蘆游在
市佛言無碍出西方

元曉嘗撫玩曲項葫蘆歌舞於市名曰無尋後好
事者綴金鈴垂綵帛為飾拊擊進退皆中音節樂
志云出自西域其詞多用佛語

五冠山

文忠深隱五冠山朝赴公堂趨暮還老去悲傷西日

薄不鷄歌作慰慈顏

文忠事母至孝居五冠山距京三十里為養祿仕
朝出暮還歎其母老作不鷄歌

楊州曲

運會楊州最富殷背華臨漢柳之分方春時節花心
暖男女相惟全集雲

楊州北距華山南臨漢水富庶繁華州人男女方
春好遊而歌之

月精花

晉陽妓女月精華鍾愛三生魏氏家能使精堂惠而

死官人狂惑邑人嗟

月精華晉州名妓司錄魏齊萬惑之令夫人憂恚
而死邑人哀之作此以刺

伐谷鳥

伐谷鳥鳴布穀聲朝來榷樹雨新晴舊臣沾淚先王
諭勝似開元霓羽名

睿宗欲聞其過及時政得失猶恐羣下不言作此
而諷之伐谷或作布穀聲轉互幻也金富軾詩曰
佳人猶唱舊歌詞布穀飛來榷樹稀還似霓裳羽
衣曲開元遺老淚沾衣

金剛城

遼兵犯境燒王宮敵退羅城復築崇祀都歸後歌聲
咽甌壁堅剛金鐵同

遼兵入王城燒宮闕顯宗收復築羅城國人喜而
歌之或曰高宗避蒙兵入都江華後還開京作是
歌言其城堅如金之剛也

叢石亭歌

大海東頭誰作歌元朝天使臨瀛過四仙蹤跡惟綿
貌音響留餘竟碧波

奇轍仕元為平章奉使還至江陵登此亭覽四仙

之跡望大海作此歌

居士德

鵲兒籬除噪花枝嬉子床頭引網絲行役幾年苦不
返形容已盡先生詩

行役者之妻作歌托鵲嬉以冀其歸李益齋作詩
解之如此

秋裏花

黃鳥飛來啄我梁田間耗盡一年糧疾苦民情誰得
識寡鰥孤獨自悲傷

賦欽繁重豪強攘奪民困財傷托以黃鳥啄粟以

恐之蓋齋詩曰黃鳥何方來去飛一年農事不魯
知寡鰥孤獨耕耘了耗盡田間禾黍為

長巖歌

老人誠進杜平章賢相書譏鳥網張何必古人今亦
有老人何處已深藏

杜英哲流長巖鎮與一老人相善及還老人戒其
苟進英哲後至平章事果又陷罪老人歌以譏之
蓋齋詩云眼孔元來在何許可憐觸網雀兒痴

濟危寶

濟危寶局濟人危當世無人恨以遺供役何來一婦

女無端含怨寓閒詞

光宗置濟危寶為濟人治疾病有一婦人以罪徒
役於是局恨其手為人所執歌以自怨

安東紫青

以身事一福州娘女誠漫成教義方紅不綠芳青不
白游辭反覆任行藏

婦人以身事人一失其身人所賤惡故以綠之紅
白青綠反復比之以致取舍之決

松山歌

巖巖松岳開西京累世相承王業成如何晚葉荒淫

亂不念三韓八一杆

松山開京之鎮也自太祖都開京累世相承國祚
延長以樂之所由作也

禮成江

唐商賈婦禮成江一局輸贏傾貨缸婦去婦來江上
月頭網驚膽落蓬窓

唐商駕頭網善棋嘗至江上見一美人與其夫賭
之載船而去其夫悔作是歌婦人去時粧束甚固
頭網欲亂之不得舟至海中盤旋不行卜之曰節
婦所感頭網還之婦亦作歌

冬栢木

鯨浪千重復萬重
逐臣望美海山峯
德陵冬栢青無
盡玉宇瓊樓感遠蹤

蔡弘哲流遠島思德陵作是歌王聞而亡之

寒松亭

曲終瑟漂到江南
翻調東臣張晉三月白寒松秋鏡
浦沙鷗有信夢難甘

世傳此曲書於瑟底漂至江南居人未解其調光
宗時張晉山奉使江南人問之晉作詩解之曰月
白寒松夜波安鏡浦秋哀鳴來又去有信一沙鷗

鄭瓜亭

種瓜餘力撫絃琴曲曲悽哀撼樾林亭上啼禽亭下
月春山疑是蜀規吟

鄭叙放歸田里築亭種瓜撫琴以寓意自號瓜亭
蓋齋詩云憶君無日不沾衣正似春山蜀子規

風入松

宮苑老柯葉葉鬆仁風習習露華濃布陽盛德如松
茂蒼翠千年秋又冬

頌禱之詞也

夜深詞

風雲一代畫堂深
玉漏丁東月上林
肯酒盈盈皆我
有肆筵讌樂嘉賓心

君臣相樂之意於終讌歌之

翰林別曲

染翰朝朝任奉供
宿儒分掌做笙鏞
細瓊講罷徐歸
院導燭金蓮聽曉鍾

翰林諸儒所撰

紫霞曲

紅燭燒殘夜未央
自天仙樂中和堂
松山春日舊英
會一曲紫霞叢祕章

蔡洪振構中和堂於紫霞洞自製此曲其詞曰家
在松山紫霞洞雲煙相對中和堂喜聞今日蓂莢
會未馱一盃延壽樂其譜秘不傳人一日邀諸耆
老酒半忽女樂自屋上來綵雲梯而降似若自天
而下

窮歎奔

秋風弓勁上章年追擊倭寇冠智異巔天意有悌民永
賴明靈昭著鄭生篇

庚申秋我太祖大王追擊倭寇于智異山自是賊
不敢登陸民賴以安鄭道傳作此歌

西湖曲

景炎之族傷於貧盡舫輕裝自買春壯士千金誰肯
擲一朝難滌耽羅塵

鮮于樞所作其詞曰西湖盡舫誰家女貪得纏頭
強歌舞安得壯士擲千金坐令宋漢歌行露益齏
曰宋亡士族有以此自養者故傷之也耽羅此曲
極為鄙陋然可以觀民風知時變

延陽歌

拔擢器成凡幾人自知効力不知身木之資火終灰
燼為木寧辭火及薪

延陽人有為人所能收用者以死自效比之于木而
為之歌蓋木之資火必有戕賊之禍雖至於灰燼
所不辭也

迎仙樂

國家典禮重尊宗元服加時寶冊封鼓樂大庭軒架
列伶官六拍叩黃鍾

冊王妃王太子王姬及王太子加元服時並奏此
樂

真勺

一二音連三四音四三二一濁清吟指一動時點一

落一心操縱不容針

樂府真勺有一二三四乃聲音緩急之節也一真勺最緩二三四又次之

太平箏

一聲撼月孔瓊星金口清商風管聆萬古精忠鄭相國終身不忘護玉庭

圃隱詩云鳳管粧金口清商自此生一聲高撼月六孔巧鑲星

雅樂署

麗季樂懷鄉與唐混清質亂使人傷樂中雅樂明神

祀當世其誰解古章

恭讓王置雅樂署習宗廟樂歌時樂學質亂雖以
趙浚之才智亦未能講究樂理故耳

唐鄉樂

直臣奸宦攻分論鄉妓唐瞞各立門明伸一疏扶正
大天將啓我講新翻

崔承老上疏以喜觀鄉樂為光宗之失德毅宗聲
妓之戲皆宦者白善淵等慫恿為之史臣書以為
戒幸禍時趙浚請毋令娼妓近前其說正大不可
棄也

昭代樂

文德歌成闡武功聖人教化慶民風三十八年聖緒
聖樂師承命正和中

自太祖朝至世宗朝十二年為三十八年朴堧疏
請纂錄樂譜有文德武功二曲後仍為廟樂

鼓吹樂

祖功宗德善形容後武先文聖際逢無射羽音添軌
範御天此日謨飛龍

朴堧疏云羽調乃無射宮也今於纂錄羽調不得
削去鄭隣趾所撰亦有龍飛御天歌

唐部

鼓月琴諧杖鼓聲唐琵琶對奚琴鳴太平簫外洞簫
間甯策笛兼牙太箏

唐樂有牙箏太箏

鄉部

嘈切玄琴太古心鄉琵琶和伽倻琴唐音爭似部中
甯大小中音三品琴

鄉樂有大琴中琴小琴

唐呈才

第一含紅第二藍兩行花窠山籠三洞天景色東風

暖惜惜奴嬌 綉帝南

六花隊有紅頭第一念藍第二念拋毬樂有兩行
花竅洞天景色五羊山有縹緲三山碧烟籠曉曲
破有惜奴嬌 誓無寐 席綉帝

鄉呈才

引入颯颯九變登宣威和恭命休應華山朝日鳳凰
下善頌春亭猶足徵

昭武樂六變有宣威和恭休命順應右定大業南
呂秋分之律熙文樂九變右保太平林鍾大暑之
律卞季良撰華山別曲鶴蓮花臺有鳳凰吟

勝國樂

洛陽花轉憶吹簫
清水龍吟上六么
太平年曲仍翻譜
古樂聊將今樂調

本朝因用之樂有憶吹簫
洛陽春轉花枝黃河清
水龍太平年

養老宴

內外宴開樂一章
昭陽養老進霞觴
元陵盛德浹肥厚
擊壤康衢翁髮霜

英宗朝癸巳御製外宴內宴各一章

親耕樂

天粒初章樂與民耕臺臨御速嘉賓游塲染履青相
載觀刈之時又吉辰

出大次與民樂歌天粒

親蠶樂

公桑蠶事成儀篇講習如今幾許年禘副縑三成黼
黻六宮和樂慶綿綿

王妃還大次與民樂歌成儀章

大射禮

思樂奏時於樂成君王大射禮先行周旋進退中規
矩畫布斯張綉鵠正

御射繹成歌思樂侍射繹成歌於樂

俗部

辛熱枝兒并突阿東京思內舞依歌先輩亦叅燒尾
宴霜臺別曲陽村哦

新羅樂有辛熱突阿枝兒思內等曲霜臺別曲權
近撰憲府燒尾宴令工人唱之

雅樂

清廟肅清於緝熙尊公上祀歲千斯上號章同追上
號於皇詩與維皇辭

翼祖室奏緝熙太祖太宗上號時用於皇仁元王

后上辨時用維皇德宗追上終獻維皇加上亞獻
於皇

進豐呈

東海之東深固根於千萬世聖賢孫維周赤爵呈天
瑞經畧正時禮樂存

御天歌有海東根深赤爵維周文德歌有正經畧
定禮樂

進宴樂

思政殿回慰北輶耆英社御繪西樓列朝宴樂多親
製雲漢於昭今古出

世祖朝庚辰至自平壤御恩政殿御製慰北征將
士英宗朝甲子御製八音社一章

獻仙桃

瑤池蟠結一千年雙顆青青半紫懸左袖才旋右袖
合高擡戴勝金盤傳

用西王母事以侑樂高麗崔滋詩云舊經仙劫渾
肥碧新醉皇恩半頰頰

壽延長

四隊八人舞一行回旋三匝換相望南來北去聲聲
拍背向齊翻腔急章

唐德宗時王景高恬等為聖壽延長鑄佛像獻之
疑即昉此而唐王因之樂府有中腔急拍尾前尾
後詞

五羊仙

瑤圖萬葉五雲開一挾歸來二挾迴五色羊騎仙五
子菖蒲穀穗影枚枚

樂奏五雲開瑞朝及萬葉熾瑤圖寰宇記有五仙
人騎五色羊持穀穗遺州人又南越誌姚成甫於
菖蒲間遇丈人曰此菖蒲安期生所種合而觀之
五羊仙之戲必起於此

拋毬樂

宋教坊名置第三碧城老士夢魂酣誤墮翻看腮點
墨象中惟笑佳人慙

宋教坊樂三曰拋毬海州人李慎言夢至水殿觀
宮女戲毬山陽蔡純為叙其事今以此戲必起於
此而毬墜地則樂師取筆點墨於右腮而退

蓮花臺

一對蓮花仙女藏金鈴蛤笠帽衣裳花神踏箇蓮花
劈幻謠流傳拓跋王

蓮花臺者本出拓跋魏用二女童鮮衣帽施金鈴

藏之蓮花箇舞訖取蛤笠蓋因花神踏歌採蓮曲
之類而為之

夢金尺

一夢丁寧天命歸三千疆場萬年祈黃蓋錦旆金尺
捧唱詞十二童童圍

太祖大王在潛邸夢神人授金尺受命之祥也六
隊十二人奉黃蓋唱金尺詞

受寶錄

智異山人得異書嵌空石壁千年餘節旌龍廟旋相
對先八仙歌後步虛

太祖大王潛邸時人得異書於智異山石壁中以獻樂奏八仙及步虛子由龍扇旌節之間而對舞
觀天庭

帝眷東邦識聖真殊恩曠禮出臣隣瞻天老幼惟欣
慶蹈舞忱誠頌紫宸

太宗大王潛邸時入觀天庭蒙被帝眷禮而遣還
國土老幼歡欣慶忭相與歌之

受明命

金寶縷文冕九章大明天子開青陽東藩偏荷皇恩
重識喜先登式譙陽

太宗大王事大以禮天子錫明命從以印章冕服
國之大夫士惟欣欣也

荷皇恩

於皇誥命自天來舉國同惟舞萬口攢手北望懸一
念東人誰不報涓埃

太宗大王以父王之命權攝國事尋受皇帝誥命
賀聖明

興崇千年萬歲歌感天帝德瑞應多四方寧謐東方
暨山出器車海不波

皇帝御極以來宇內寧謐祥瑞存臻我東人作是

詩頌禱之

聖澤

帝命使臣遣海邦
褒嘉事大史無雙
敬賓惟是欽天德
下國羣工仰駿厯

聖澤慰朝廷使臣也
慰使臣欽上德也
太宗大王事大以誠
帝用嘉之特遣使臣
國人歌之

六花隊

問花心曲和胡笳
六隊成分奉一花
一拍聲終一拍起
紛紛花落剪輕霞

口號問花心詞
花隊六人擊拍
奉花而舞立於
燕

南坤乾坎艮方

曲破

進惟小小退惟遲或背或撞左右之擷遍在中中袞
亂衣紋不空影披離

樂奏擷遍中袞而妓舞進或面或背退復位

保太平

雜飾丹粧六六人繹成引出奏歸仁貞明隆化龍光
舞盡在先今後古辰

太祖樂三十六人并丹粧雜飾奏歸仁貞明隆化
龍先而舞作至繹成引出

宣大業

七十一人五色盞中分五七四方未曲圓銳直陣形
寢大鼓鑿鑿萬舞催

大宗樂七十一人并着五色甲青段冑三十五人
各執儀物三十六人各執弓鈞大鼓十通舞作作
曲陣直陣銳陣圓陣换位而舞

鳳來儀

昔周舞對海東章匝匝羅衣噴衆香四隊回旋北隊
空及還五葉復初行

歌海東昔周章四方作隊北向而舞換隊立空至

五葉遷作初列之狀

牙拍

樂師足蹈由東楹錦帶飄飄牙拍擴十二腔詞隨月
瘦手中遲速應聲聲

樂師由東楹入取牙拍掛插於帶間妓北向對舞
隨每月詞變舞目節次遲速越一腔擊拍

響鈸

左右鈸繯母指長向前伸臂齊衣裳高低隨拍挾相
揖三度將終兩手忙

八人預繫響鈸於左右手母指長指向前伸臂相

挾手而進三度如上儀揮兩手而飲之

舞鼓

彩粧齋繞聲聞測海上浮查降古仙欽手跪來欽手
起二龍矯矯蝶翩翩

高麗侍中李混謫宦寧海得海上浮查制為舞鼓
其聲宏壯其舞爰轉翩翩然瓊蝶繞花矯矯然二
龍爭珠

鶴舞

青青白白鶴翩翩分立西東向玉塘鼓嘴舉頭悅而
啄却逢童女驚飛揚

青白鶴翱翔進池塘前分東西而立僂而啄舉首
鼓嘴樂將終啄開蓮箇兩童女乃出兩鶴驚躍而
退

教坊歌謠

鋪花輶路沈香山謠輟瓊函左右班大駕至時齊奏
樂呈才盡着暗紗殷

設沈香山池塘具於路中鋪花碧於山前左右設
歌謠軸函於卓大駕至前部鼓吹樂工分左右奏
與民樂

文德曲

曲開言路保功臣禮樂章章致語新
五百起來文物盛太師觀德民風陳

樂始致語訖唱文德曲開言路保功臣
禮樂章章

朝廷樂

金殿清平滿殿春
醉豐亨闋豐安
中鳳凰吟
交龍吟
水王命詞臣增損因

我東樂府有金殿清平滿殿春
醉豐亨豐安等曲
世宗朝命尹淮改撰
處容歌詞名曰鳳凰吟
遂為朝廷之樂

三調

調羽調平調後殿東方曲調慢嗑美瑟中三節堪相
倫清側餘音平又擅

選註云瑟有三調平調清調側調也五聲羽為最
清則羽為清調也我國後殿之曲音節激昂與平
調相反疑古所謂側調

新羅八關會

真興王歲月中冬棚結輪燈百戲從祈福之時兼觀
美花即選入儀丰茸

真興王每歲中冬會僧徒於關庭置輪燈一坐列

香燈四方又結西綵棚呈百戲歌舞以祈福

玉笛

天然竹色玉璘珣踰嶺聲暗東史真尺寸無差鐵補
缺那知靈異自龍神

笛長尺有九寸上枯下生天然竹色世傳逾鳥嶺
聲暗壬辰為倭人所碎以鐵補缺朝鮮誌海東龍
所獻

高麗八關會

四人之子選良家衣羽裳霓羅俗誇桃花流水尋真
跡藐射仙姑披紫霞

麗太祖因羅俗選良家子四人被以霓裳羽衣列
舞于庭待制郭東珣作賀表曰自伏羲氏之王天
下莫高太祖之三韓邈姑射山之有神人宛是月
城之四子桃花流水杳然去雖真迹之難尋古家
遺俗猶有存信皇天之未喪

老人星

南極壽星如月圓煌煌瑞彩見東天
拈香設醮中原野宴樂宮庭鍾鼓懸

毅宗二十四年忠州祭老人星其夕壽星見王親
製樂章宴百官

昭代散樂

欽賜歌章目一千五
迎郊館設儺筵山棚野戲今停
免秤以償銀也貨泉

世宗大王戊戌欽差宦官陸善財奉勅書及欽賜
名稱歌曲一千本來結綵棚設儺禮上幸菓華以
迎行禮如儀

除夕儺

蓮花臺鶴露容神大合官庭進舞人
除板赭鞭雜還地明朝迎納一年春

晦前一日設儺戲於宮庭杖鼓擊鞭以驅之

黃菊詞

黃菊一枝賜玉堂歌詞清襲御前香天顏有意臣隣
動樂府猶傳宋侍郎

明廟朝折御苑黃菊賜玉堂官命撰進歌詞玉堂
官倉猝不能就時宋純直搢府仍借製以進上知
其由命付樂府以寵之

觀音讚

佛氏南無阿彌陀編編如是誦維摩雙花店曲猶難
奏況復深巖念呪歌

魚叔權曰內宴奏雙花店曲不可況觀音讚乎不

盡世能文阿彌者所撰每篇有南無阿彌陀佛

陶山九曲歌

壁立陶山函席開先生遺躅九溪四月明星縣凝然
寂春眠成時弟子來

先生之言曰月明星縣江山寥廓凝然寂然有春
判鴻濛底意

石潭九曲歌

石潭水石碧城名九曲層層一帶清後生尚說傳杯

處山仰門前霽月明

先生祠堂有山仰明

關西別曲

春山點點水溶溶城上樓
臺望幾重綠窓歌咽梨園
子家在垂楊一色濃

白許事光弘作此曲古人題詩曰長城一面溶溶
水大野東頭點點山為着題關西竹枝詞曰綠窓
朱戶笙歌咽盡是梨園弟子家

關東別曲

天下無雙八景奇關東樂府世皆知
象一形時中一節風流相國慨然詞

鄭松江關東樂象一事必應一節詞論者曰風流

慷慨

思美人曲

嶺高薛罕托生涯
松老何年說遠懷
天一方兮雲水
邈滄江孤卧白鷗偕

松江謫居詩
有生涯薛罕嶺作處
君恩曲即今白
鷗詞

將進酒

朝青暮雪歎人生
到海奔流任去情
夢中若對劉伶
說一問何山隨錦橫

松江將進酒詞
有朝青絲暮成雪
奔流到海等句

引用者

鐵嶺歌

萬古綢常一嶺高
寒雲飛去我心忉
三百年來歌不盡
長令志士淚盈袍

白沙先生北遷錄有鐵嶺歌寒雲飛去等語

山有花

山上有花花下山
一腔歎浙淚潛潛
洛東江水無窮極
碧恨隨流去不還

肅宗戊寅年間善山民女香娘早寡父母欲奪志娘作山有花歌投洛東江其辭有回首洛東江水

碧等語

附訓民正音

聖人製樂應時候子母生生廿八副轉換無窮叶七
三象形圓直倣姬籀

世宗朝製子母二十八字名曰諺文轉換無窮象
形而字倣古篆因聲而音叶七調三極之義莫不
該括

牙舌喉唇又愛齒初中終響自然起次清次濁不全
清正反相須輕重以

五音有牙舌唇齒喉初聲中聲終聲而唇聲有輕

重之殊舌聲有正反之別字亦有全清次清全濁
不濁不清之差

律呂克諧無不備鷄鳴狗吠書容易入平去上點加
無似梵字還非梵字

樂歌則無所用而不備律呂克諧無所往而不達
雖風聲鶴唳鷄鳴狗吠皆可得而書凡字必合而
成音左加一點則去聲二則上聲無則平聲入聲
加點同而促急

宮商徵角皆分位區別四方風土異樂外樂聲付樂
章化機通妙無愚智

正音盡宮商角徵之調蓋亦非樂而樂也四方風
土區別聲氣亦隨而異有人無智愚事無巨細皆
得而解之極造化之妙通萬物之情

禁中開局斯民訓崔鄭申黃刪正韻往來遼野十三
番摠是先王心笑運

設局禁中命鄭麟趾申叔舟崔恒成三問等撰定
之中朝翰林學士黃瓊時謫遼東命三問等見瓊
質問音韻凡往來遼東十三度製字之妙實自霄
笑

洪祁堂曰古樂府蓋三百篇遺音也漢魏以降

作者家徃徃倣此軌範而若我東國散曲寔如
南陵諸笙詩與投壺之魯鼓薛鼓等屬所以腔
調無譜樂之道蔑如矣今茲張輯考據賅淹尋
韻涵暢挽回蕢桴葦籥之俗其為有補於風教

[illegible]

林下筆記卷之三十九

異域竹枝詞目錄

琉球國

安南國

暹羅國

蘇祿國

南掌國

緬甸國

大西洋

合勒未奈亞省

翁加里亞國

波羅泥亞國

洋黑鬼奴

洋僧尼

小西洋國

英吉利國

法蘭西國

瑞國

日本國

馬辰國

汶萊國

柔佛國

荷蘭國

俄羅斯國

宋牯勝國

東埔寨國

呂宋國

叻喇吧國

麻六甲國

蘇喇國

亞利晚國
西藏諸番

林下筆記卷之三十九

月城李裕元景春輯

異域竹枝詞

清職貢圖詳載外國人物乾隆時輯也海外
夷人當時職貢異於海國圖志之數然因其
所載而錄之

琉球國

三王姓尚呂文雅黥手勤農炎海潯大帶國冠衣履
足高官等級金銀簪

國居東南海中初有三王皆以尚為姓其俗尚文

其候常溫穀蔬盛官級以金銀簪等差用黃綾絹
摺圍為冠寬衣大帶夫人衣長覆足民女以墨點
手為花鳥形

安南國

四姓替傳摩宋時農成歲二重喪祠善治火咒冠唐
制婦女金環貴賤知

安南古交趾地本隸唐宋時丁氏黎氏李氏陳氏
相傳土地一歲再稔冠帶仍唐制婦人身帶金環
以大小分等民人重喪祭獐獐善火咒

暹羅國

羅斛併暹建國號品高銳頂嵌珠帽民情善對即除
官飼象之餘習水操

暹羅即隋唐赤土國後分羅斛暹二國暹復為羅
斛所併品高人銳頂金帽嵌以珠寶選舉以民事
應對得當者即授官其民習水戰飼象取牙

蘇祿國

夫刀剪髮藻為姑婦錦披肩蚌摘珠峒王分立東西
王永樂筐篚雍正翰

國在東南海中永樂間來朝雍正又入貢民剪髮
釀藻女幅錦披肩取蚌珠為業

南掌國

十年一貢越裳氏翡翠樓高尊貴子白綾抹額老撾
娥全足纏身入內市

南掌古越裳部長居高樓夷民呼為老撾足布繞
體白綾抹額入內地貿易

緬甸國

銀鉞綢布鍍金塔將帥何年使貢納束髮美媛爭取
花檳榔葉寫緬書答

國在永昌越州古朱波吳三桂傳諭入貢乾隆時
金銀二鉞篆刻表文貢金寶塔緬布婦人束髮愛

花其文字用檳榔葉謂之緬書

大西洋

肌膚雪白鼻高昂帽折黑氈三角長螺髮監髮珠貫
頌香山門澳僑夷洋

大西洋一稱意大里亞白臂鼻昂以黑氈折三角
為帽婦螺髮為髻頌懸金珠僑居香山門澳歲輸
地租

合勒未奈亞省

淳忠報德塾多學貞質精工織不機豆粒金珠糞土
用三冬作室潔寒威

國屬熱貢瑪尼亞國人皆忠義受德必報公設學
塾地產金珠山多冷甚善造室婦人貞靜質直工
作精巧徒手交錯金絨不用機杼

翁加里亞國

蒙古儀形彷彿人彎刀馳馬穎精神文字能通娃亦
解不貪禮俗識金銀

國在波斯尼亞南其人彷彿蒙古極穎悟習馳馬
常帶彎刀婦人能文字俗尚禮顏金銀銅鐵可供
他州

波羅泥亞國

持家井井婦人能花落蜂林琥珀凝晚春尚眼前冬
貉擊鈕且看熊子騰

國在熱爾瑪尼亞國東其地寒冷至初夏皆衣狐
貉好擊鈕家豢熊羆供戲婦人專持家務內外井
井產蜂林琥珀

洋黑鬼奴

黑奴唐代崑崙奴明史荷蘭役鬼烏饋以一糟如馬
食手提短棒自相呼

夷人所役黑鬼奴卽當時所謂崑崙奴明史亦載
荷蘭所役名烏鬼夷以食餘傾之一甕如馬糟常

握木棒而隨之

洋僧尼

掌教掌治分二王緇衣青斗蓋旛張僧離危衛婦男
跪曾入京師鬚髮長

洋有教化治世二王戴青斗帽衣緇衣出入張蓋
樹旛僧離衛之男女輒跪俟過曾游京師者留鬚
髮

小西洋國

中土遙、萬里天西洋大小互稱傳長衣青帕相交
錯摺袖惟看繡譜箋

國去中土萬里屬於大西洋婦青帕蒙首錦幅摺
袖執繡譜習針簪

英吉利國

重裙雜色哆囉絨壺貯曼烟金縷中未嫁女兒腰欲
細生來裝束夙成工

國屬荷蘭男子多著哆囉絨婦人未嫁束腰欲其
細短衣重裙出行以金縷合貯曼烟自隨

法蘭西國

佛郎西即佛郎機美活中分呂宋歸合執紅毛閩粵
擅爭雄英吉近衰微

法蘭西一名佛郎西屢破呂宋與紅毛中分美洛
居盡擅閩粵近與英吉利爭雄稍弱

瑞國

禮拜老尊輒脫帽藤鞭一脚衛身好衣外束裙襖袂
卷露肱方領金花倒

瑞亦荷蘭屬國脫帽為禮輒藤鞭衛身婦方領露
肱衣外束裙

日本國

古昔倭奴唐日本信巫崇釋性佻狠此生如寄輕鴻
毛一釰隨身無遁遠

古倭奴唐改日本性狡狠輕生信巫崇釋出入佩
刀劔

馬辰國

馬辰國本馬神墟漢士南征苗裔餘夷酋居陸民居
筏採拾藤椒袒罽裾

國本文即馬神在東南海中馬援南征士卒之裔
其地多水夷目陸居夷人架筏採藤拾椒腰圍花
罽

汶萊國

惡殺喜施禁食豕唐婆羅訶西洋起去巔底事只留

髯永樂年間隨鄭氏

國本唐時婆羅東洋盡處西洋所自起也永樂間
入貢隨鄭和往因居惡殺喜施禁食豕去鬚留髯
柔佛國

東竺山高西竺山覆茅屋子木城環不耕不收看星
食刀刺芟蘆葉葉斑

國在西南海中有東西竺山覆茅為屋列木為城
地不產穀常見於隣壤見星方食刀刺芟葦葉為
文字也

荷蘭國

吉利紅毛一種蕃佛郎地近是荷蘭敵山大艦輕於
鴨萬水看他陸地安

荷蘭一稱英吉利又名紅毛番地近佛郎機常駕
大艦

俄羅斯國

漢代丁令唐戛斯吉斯元世阿羅思明三百後康熙
貢大小斯科極北陞

國在極北漢之堅昆丁令唐之黠戛斯骨利幹元
之阿羅思吉利吉斯等部有明三百年未通中國
至康熙入貢有八道稱為斯科每一斯科又各分

小斯科

宋牼勝國

雉尾雙分帛束腰耕漁弄象暹羅徭窄袴半身常佩
釧全拋履襪未條條

國屬暹羅耕漁飼象首飾雉尾腰束疋帛短衣窄
袴無履襪常佩刀釧

東埔寨國

男衣下體女衣乳自取山犀象演舞唐時真臘此遺
種葛曆嘉名改古部

東埔寨即真臘國介安南暹羅間初稱甘亨智葛

曆中改名飼象演陣入山取犀角男衣僅蔽下體
女惟蔽其乳

呂宋國

貓睛鷹嘴鼻身高裙裡藤圈三數遭佛即吞併名仍
在地近漳閩倚險濤

國在南海中去閩之漳州甚近萬曆中為佛郎所
併而仍其名其人長身高鼻貓睛鷹嘴裙裡觀藤
圈二三層

咖喇吧國

器精室厖集華人木棒鵠頭表立身髭髻珥簪花布

拖美姝啖果事縫紉

國存瓜哇故土華人多聚貿易室宇壯麗器具精
緻手持木棒有爵者錫字於上以爲別婦垂髮施
簪珥花布纏上體善縫紉嗜啖果

麻六甲國

初在占城滿刺加大明封國錫名嘉性情機巧器精
緻短袴長衣服飾誇

國存滿刺加永樂中入貢封爲國王其性情機巧
器用精緻色布纏頭長衣短袴

蘇喇國

漢條支歸唐波斯繁飾金珠領下垂地接藕門民俗
厚有禾無麥暖天時

國本回回國在西南漢之條支唐之波斯天時溫
暖無麥有禾俗頗淳厚領下腦前多飾金珠

亞利晚國

西洋屬國近回回錦帽戔戔八角裁窄袖束腰持盥
器衣文裊娜柳條開


國在西洋與回回相近戴八角帽著長衣文如柳
條窄袖束腰常持盥器


西藏諸番

阿喀衛藏古吐蕃轄城六十勢盤根紅工嬰安纒纒帽珠璣
綴達賴年徵賦稅煩

西藏古西南徼外諸羌唐宋為吐蕃部落其地有
四曰衛曰藏曰阿爾曰喀木共轄城六十餘戴高
頂紅纒纒帽多綴珠璣今皆販依達賴喇嘛其賦
稅俱進之







卷一

詩經

下

卷二

詩經